



Inatsisartut
Kultureqarnermut Ilinniartitaanermullu
Ataatsimiititaliaq
Landstinget
Kultur- og Uddannelsesudvalget

Ulloq/Dato: 21. oktober 2006
J.nr.: 01.39.01.04

**Kultureqarnermut, Ilinniartitaanermut,
Ilisimatusarnermut Ilageeqarnermullu
Naalakkersuisoq Doris Jakobsen**

Marlunngorneq ulloq 24. oktober 2006-mi nal. 11.00 ataatsimiittarfik 2-mi Kultureqarnermut Ilinniartitaanermullu Ataatsimiititaliami isumasioqatigiilluni ataatsimiinnissamut aggersaassut

UKA 2006/42 Ilimmarfimmum tunngatillugu 9. oktober 2006-imi ataatsimiititaliap apeqquaqataa Naalakkersuisunum ilaasortap Doris Jakobsenip akissuteqaataa 17. oktober 2006-imeersoq Kultureqarnermut Ilinniaritaanermullu Ataatsimiititaliamit suliarineqarpoq. Tamanna tunngaviagalugu itisiliissutaasumik nassuiaasoqarnissaa siunertaralugu Naalakkersuisunum ilaasortaq ataatsimiititaliamit aggersarneqarpoq.

Tulliuttuni erseqqinnerusumik ataatsimiititaliamit paasineqarnissaat kissaatigineqarpoq:

- 1) Inatsisissatut siunnersuutip aningaasatigut kingunerisassaanum tunngatillugu Naalakkersuisunum ilaasortaq ilaatigut tunngavilersuivoq, *“siunnersuut oqaatigineqartutut 2007-immuinnaq sunniuteqartussatut isumaliutigineqartoq”*. Tamatumunnga atatillugu inatsisissatut siunnersuut killeqanngitsumik atuuttussanngorlugu, siunissami inatsisissatut siunnersuutaajumaartussanum Inatsisartut qanoq inissisimassanersut ilisimaneqanngimmat, ilinniartitaanermi *nutarterinerit*, inatsisissatut siunnersuummi pineqarpoq, imarisai naapertorlugit ukioq ataasiinnarmik sivisunerussasoq, kiisalu siunissami aningaasatigut kinguneqaatissat tamakkiisut inatsisissatut siunnersuummi/ilinniartitaanerup nutarternerani ersarissisinneqarnissaannum Naalakkersuisut pisussaatitaajunnaarsitaannginnissaq siunissami inatsisiliormi isumaliutersuutit pillugit, ataatsimiititaliap maluginiarpaa. Taamaattumik ilinniartitaanerup iluarsartuuteqqinneranum aningaasatigut kingunerisassai pillugit ataatsimiititaliap apeqquaqataa aalajangiusimaneqaannassapput.
- 2) Naalakkersuisut inatsisissatut siunnersuut saqqummiuppaat *“ilinniartitaanerit pineqartut Ilisimatusarfimmum attuumassuteqalersinneqarnissaat pillugu inatsisitigut sinaakkutarineqartut pisariaqartut sapinngisamik piarrnerpaamik pilersinneqarnissaat siunertaralugu aammalu sapinngisamik pisaarnerpaamik Ilisimatusarfik erseqqissumik inatsisitigut tunngavissaqaleqqullugu ilinniartut ilinniartitaanermik pineqartumik tamarmiusunik naammassinnittut ilinniagartuutut angusinerik tunineqarsinnaaleqqullugit”*.

Naalakkersuisunut ilaasortap allagaani professionsbachelorinngorniarluni ilinniartitaanerit piviusunngortinneqarnissaat aallarereersoq ataatsimiititaliap maluginiarpa. Taamaattumik ilinniartitaanermit nutarterineq inatsisitigut atuuttunut naammattumik tunngavissaqanngitsoq pillugu ersarissumik akissuteqartoqarnissaa ataatsimiititaliamit kissaatigineqarpoq.

- 3) Qanoq annertutigisumik professionsbachelorinngorniarluni ilinniartitaanerit ilisimatusamermit tunngaveqartumik ilinniartitaanerit ilinniartitsisunit ilisimatusamermit sulianik piginnaasaqartunillu ingerlanneqassanersoq suli ersarissisinneqarsimangitsoq ataatsimiititaliap isumaqartoq. Ataatsimiititaliap apequt ima paasivaa, ilinniartitaanermit politikki aalajangiiffigisassatut tunngavissatut pingaarutillit ilagigaat, taamaattumillu ersarissisinneqarnissaa kissaatigineqarluni assersuutigalugu aalajangersimasumik procentilersuisamermit nalilersueriaaseq eqqarsaatigalugu.
- 4) Aammattaaq Naalakkersuisunut ilaasortaq allakkamini ilisimatitsivoq *“nutaatut Ilisimatusarfimmi ilinniagartuujunngitsutut atuartitsisutut atorfiit pilersinneqassapput”*. Tamanna ilinniagartuutut ilinniagaqartut siunissami ilinniagartuujunngitsunik ilinniartitsisoqarluni ilinniartinneqartalermissamik kinguneqassanersoq ataatsimiititaliap paasissutissiissutigineqarnissaa kissaatigaa.
- 5) Ilinniartitaanerup aqqissugaanerani nutaami 2009 nallertinnagu ilinniartut naammassisarnissaat naatsorasuutigineqanngimmat ilaatigut ataatsimiititaliap oqaatigissavaa, 2007-imilu aningaasartuutaanerusussanik pilersitsisoqarnissaa pillugu pilersaaruteqartoqanngimmat. Maannakkut inatsisissatut siunnersuut saqqummiunneqartoq akuersissutigineqassanngikkaluarpat, ilaatigut Ilisimatusarfiup eqqarsarnartoqartitaasa ilaat aqqiivigineqarsinnaanngippata 2007-imut qanoq kinguneqassava? 2007-imi Inatsisartut ukiakkut ataatsimiinnissaanni Naalakkersuisut saqqummiutilersaagaanni Ilisimatusarfik pillugu inatsisissatut siunnersuummut nutaamut aalajangiinissamut tunngavissaq ilinniartitaanermit aqqissuussineq nutaag inatsisitigut iluarsiivigineqarnissaa utaqqimaarneqassanersoq Naalakkersuisut piareersimaffigaat?

Isumasioqatigiilluni ataatsimiinnerit Naalakkersuisunut ilaasortap ataatsimiititaliallu akornanni politikikkut oqaloqatigiinnertut sapinngisamik iluseqartinneqartarnissat Kultureqarnermit Ilinniartitaanermullu Ataatsimiititaliamit anguniarneqarpoq, taamaattumik atorfillit peqataatinneqartarnerat minnerpaaffimminiinnissaa pisariaqartoq kissaatigineqarluni. Oqaloqatigiinnissaq matumani pineqarmat akissutigineqartut toqqaannartumik oqalugiarnertut iluseqarnissaat atortoqarluni atuffasserpalaannerminngarnit ataatsimiititaliamit kissaatigineqarpoq.

Kiisalu apeqqutit suliani allassimasut pillugit allakkiamik kalaallisut danskisullu isumasioqatigiilluni ataatsimiinnermit atatillugu pissarsisinneqarnissani Kultureqarnermit ilinniartitaanermullu Ataatsimiititaliap kissaatigaa. Atortussat isumasioqatigiilluni ataatsimiinnerup kinguninngua uunga nassiuinneqarnissaa qinnutigineqarpoq ahni@gh.gl.

Inussiarnersumik inuulluaqqusillunga

Juliane Henningsen
Kultureqarnermut Ilinniartitaanermullu Ataatsimiititaliami
Siulittaasoq